



Handwritten signature and number 13363

Broj: 06-11-6313/23-1  
Ilidža, 24.10.2023.godine

Na osnovu člana 33 i člana 70.Zakona o javnim nabavkama ( «Službeni glasnik BiH» broj 39/14 i 59/22), te Izvještaj broj 12-19-2897/23-5 od 16.10.2023 godine i Izvještaja 12-19-2897/23-5 od 17.10.2023 godine donesenih od strane Konkursne komisije imenovane za provođenje konkursa za izradu idejnog rješenja, donosi se

## ODLUKA O IZBORU NAJPOVOLJNIJEG PONUĐAČA ZA JAVNU NABAVKU BROJ 95/23

### I

Usvajaju se izvještaji Konkursne komisije broj 12-19-2897/23-5 od 16.10.2023 godine i 17.10.2023.godine doneseni u postupku provođenja konkursa za izradu idejnog rješenja za **Izradu idejnog skulptorskog-umjetničkog rješenja spomen skulpture Sabit Hadžić.**

### II

Pobjednikom konkursa za **Izradu idejnog skulptorskog-umjetničkog rješenja spomen skulpture Sabit Hadžić** proglašava se rad pod šifrom NSD 777 autor **Adis Elias Fejzić**

### III

Zadužuje se Služba za komunalne poslove i infrastrukturu da na osnovu člana 23. stav (1) tačka a) Zakona o javnim nabavkama ( «Službeni glasnik BiH» broj 39/14 i 59/22) pokrene pregovarački postupak bez objave obavještenja o nabavci za dodjelu ugovora pobjedniku predmetnog konkursa za izradu skulpture Sabit Hadžić.

### **Obrazloženje**

Na osnovu odluke o pokretanju postupka broj 06-11-6313/23-1 i obavještenja o nabavci broj 888-6-2-235-3-224/23 od 19.09.2023.godine, pokrenut je postupak javne nabavke za **JN 95/23** je **Izrada idejnog skulptorskog-umjetničkog rješenja spomen skulpture Sabit Hadžić** putem Konkursa za izradu idejnog rješenja. Rješenjem broj 12-19-2897/23-3 od 06.06.2023.godine Općinski načelnik je imenovao Konkursnu komisiju za provođenje predmetnog postupka. Cilj konkursa je dodjela ugovora o javnoj nabavci usluga pobjedniku konkursa za izradu idejnog rješenja. Konkursna dokumentacija je objavljena na portalu e-nabavki i internetskoj stranici Općine Ilidža. Kao krajnji rok za dostavu radova je bio 16.10.2023.godine. Procijenjena vrijednost nabavke za izradu skulpture Sabit Hadžić je 60.000,00 KM bez PDV-a.

Do krajnjeg roka za dostavu ponuda/radova naznačenog u Obavještenju o nabavci i Konkursnoj dokumentaciji dostavljen je samo jedan rad pod šifrom NSD 777.

Konkursna komisija je pristupila ocjeni pristiglog konkursnog rada i o tome sačinila Izvještaj broj 12-19-2897/23-5 od 16.10.2023 godine i Izvještaj 12-19-2897/23-5 od 17.10.2023 godine, kojima je konstatovano da rad pod šifrom NSD 777 zadovoljava sve kriterije tražene konkursnom dokumentacijom. Na osnovu utvrđenih konkursnih kriterija za valorizaciju rada istom je dodijeljeno 76 bodova, te je predloženo da se pobjednikom konkursa proglasi rad pod šifrom NSD 777. Obzirom da je dostavljeni rad prihvaćen pristupilo se provjeri dokumentacije koja se odnosi na autora i koja je dostavljena u posebnoj šifriranoj koverti te je izvještajem od 17.10.2023.godine Komisija konstatovala da je autor dostavio svu traženu dokumentaciju. Imajući u vidu navedeno odlučeno je da se pobjednikom Konkursa za **Izradu idejnog skulptorskog-umjetničkog rješenja spomen skulpture Sabit Hadžić, proglasi autorski rad pod šifrom. NSD 777.**



Obzirom da je u skladu sa članom 33 stav (1) tačka a) Zakona o javnim nabavkama («Službeni glasnik BiH» broj 39/14 i 59/22 ) cilj Konkursa dodjela ugovora o javnoj nabavci usluga pobjedniku konkursa za izradu predmetnog idejnog rješenja zadužuje se nadležna služba da pokrene postupak javne nabavke kako bi se autoru dodijelio ugovor putem pregovaračkog postupka bez objavljivanja obavještenja o nabavci (član 23. tačka a) Zakona o javnim nabavkama nabavkama («Službeni glasnik BiH» broj 39/14 i 59/22 ) .

## POUKA O PRAVNOM LIJEKU

Protiv ove Odluke može se izjaviti žalba u roku od deset dana od dana prijema odluke. Žalba se izjavljuje URŽ-u putem ugovornog organa u pisanoj formi direktno, elektronskim putem ili preporučenom poštanskom pošiljkom. Žalba se podnosi u tri primjeraka.



OPĆINSKI NAČELNIK

Nermin Muzur /magistar uprave

## DOSTAVLJENO

1. Autor - Adis Elias Fejzić, Grbavička 6A, Sarajevo
2. Služba za komunalne poslove i infrastrukturu
3. Kabinet Općinskog načelnika
4. Služba za zajedničke poslove (za objavu na WEB)
5. a/a

Izradio AlmedinM.

Kontrolisao Benjamin M.

